

DISCVRSVS
DE
VIA LACTEA

LYDOLPHI GEORGI LYNDENI
HANNOVERANI.

Dupl



HELMSTADII,
TYPIS JACOBI MÜLLERI,
ANNO M DC LXV.

MAHME REV ERENDO, NOBILISSIMO
ET EXCELLENTISSIMO
DN. JOHANNI

LIBERI ET IMPERIALIS
COENOBII LOCCENSIS
ABBATI VENERABILI,

NEC NON

ORDINVM PROVINCIALIVM DVCA-
TVS BRVNSVICO-CALEMBERGICI
CONSILIARIO GRA-
VISSIMO

MAGNO ERVDITORVM PATRONO

BRITISH MUSEUM
SALE DUPLICATE

I 7 8 7

HVNC
DE VIA LACTEA
DISCVRSVM

In mei meorumq; studiorum
patrocinium sacrum esse
volui

Ludolphus Georgius Lün-
der
Hannoveranus.



DE
VIA LACTEA
PROOEMIUM.

Recensens authores de materia jam laudata.

§. I.

Non postremam partem Pæ-
diæ credo, qua traduntur materiæ tractandæ Autho-
res, quos vocamus; ea enim nos quasi manu ducit
ad fontes, ex quibus scriptores rei istius sua vel hauserunt,
vel illustrarunt. Ne quid ergo dissimilem, juvat heic loci re-
censere eos, quorum opera usus sum, & qui in eisdem laudati
occurrerunt. Causas mei propositi sunt, tum ne in ipsa le-
ctione nimia forsan allegatione lectori molestiam crearem,
tum, si tibi non abs re visum fuerit, vel mutos istos præcepto-
res adire vel si mea tibi fastidiunt ex eis sitim explere posses.

§.2. Agmen autem ducat Philosophorum Aquila ARI-
STOTELES qui de via lactea agit *meteororum libro I. cap. 8. 9.*
vel ut alii diviserunt *textu 30. p. 742.* Qui vero hunc lucubra-
tionibus illustrarunt in tres classes Græcorum, Arabum, La-
tinorum referri possunt. Ex priori laudo ALEXANDRUM
APHRODISIENSEM *fol. 81.* OLYMPIODORUM *f. 15.* JO-
HANNEM GRAMMATICUM PHILOPONUM *f. 99.* Ex
secunda classe unicū mihi videre obtigit AVERROEN dico,
cujus *digressiones in Aristotelis met. I. p. 447.* poteris consulere.

B

§.3. La-

§. 3. Latinorum autem exercitus in duas partes mihi erit dividendus: in prima acie constituam eos, quos ipse evolvi. PETRVS TATARETVS *fol. 80* JACOBVS DE AMSFORDIA *f. 14.* JOH. LVDOVICVS HAVENREVTENVSP. 89. NICOLAVS CABEVSTo. I. p. 239. JOHANNES VELCVRIO *III. 8. p. 298.* CONIMBRICENSES *tract. IV. c. 1. 2 p. 34.* Et qui hos fideliter secutus est, ne ullo quidem verbo transposito aut omisso OTHO CASMANNVS *Astrologie part. 1. c. 14. p. 563.* Alteram suppeditabunt authores ab aliis hac in re laudati: ALBERTVS MAGNVS, JOHANNES DAMASCENVS, PETRVS AB ALLIACO, THOMAS WALDENSIS, ANTONIVS POLVS, AVERSA, ALPHREDVS ANGLICVS, AVGVSTINVS NIPHVS, BARTHOLOMÆVS MASTRIVS, THEOB. GERLACHIVS, JOHANNES COCHLÆVS, ANTONIVS ROCCO, JOH. PERIONIVS, JOH. DVLLAERT, JOH. VERSOR, JACOBVS TIMÆVS, NICOLAVS DORBELLVS, JOH. COTTVNIVS, HENR. PACKER, CAJETANVS, MICH. STANHVSIVS, VICOMERCATVS, GERHARDVS DE MONTE.

§. 4. Aristotelem excipiant Mathematicorum antesignani & discipuli, CLAVDIVS PTOLOMÆVS *Almagest. VIII. 2 p. 194.* PROCLVS DIADOCHVS in *Sphæra sub fin. & hujus commentator* JOH. STOEFLERVS *fol. 69.* GALILÆVS GALILÆI *Syder. Nunc. p. 32.* GEORGIUS VALLA in *instit. Astronom.* TYCHO BRAHE in *conclusiones de stella nova anni 1572. p. 796.* CLAVIVS in *sphæra.* JOHANNES BAPTISTA RICCIOLUS *Almagest nov. part. 1. lib. 6. c. 23. p. 474.* ERHARDVS WEIGELIVS *sphærica lib. 1. sect. 1. c. 1. def. 9. p. 25.* ÆGIDIUS STRAUCHIVS *Astrognos. aphor. 160. pag. III.* RUDOLPHVS SNELLIUS in *Sphæram Corn. Valerii p. 58.*

§. 5. Quibus subjungo Historicos, quos inter PLUTARCHVS *de placitis Philosophorum III. 1. p. 28.* PLINIUS *naturalis historia XV III. 29. p. 866.* & qui hujus librum secundum com-

men-

mentario illustravit JACOBUS MILICHIUS *c.9. p.108.* Neq;
negligendi erunt Poetæ: ARATUS *phanom. pag.83.* & hujus
Interpretes: CICERO *pag.12.* (cujus etiam *Somnium me-*
minit Viæ lacteæ, & in illud notæ MACROBII l.15. pag.99.)
RUFUS FESTUS AVIENUS. *p.53.* OVIDIUS *metamorph.*
I.v.105. p.14. M. MANILIUS *astronom. I. pag.22.* Poëtas sequan-
tur Mythologi: HYGINUS *Poetic. Astronom. pag.231.* NA-
TALES COMES *mythologiae lib. 11. pag. 135.* PHILIPPUS
CÆSIUS A ZESEN *in calo astronomico-poetico memb. I.*
pag. 14.

§.6. Agmen demum claudat turma Physicorum excel-
lentissimorum. LIBERTUS FROMONDUS *meteorologi-*
corum II. 5. art. 2. pag.99. CONRADUS HORNEIUS *disp.*
physica VII. §.27. pag.145. ANDREAS KINDERLINGIUS
disput. de mundo & calo §. 64. MARCUS FRIDERICUS
WENDELINUS *contemplat. physic. sect. III. c.16 th.4. pag.527.*
PETRUS GASSENDUS *in animadversionibus ad Diogenem*
Laertium de meteorologia Epicuri pag.1167. HIERONYMVS
CARDANVS *de subtilitate lib. 4. p. 198.* JULIUS CÆSAR
SCALIGER *contra Cardanum exercit.72. pag.262.* JACOBUS
MARTINI *disp. Meteorol. II. theorem.12.* DANIEL SEN-
NERTUS *epitome natur. scientiæ II.2. pag. 174.* GILBERTUS
JACHÆUS *instit. physic. VII. 8. p.571.* & in has JOH. ZEISOL-
DI *notas. pag.573.* JOH. SPERLINGIUS *in institut. phys. III.*
4. quæst.10. pag.533. FORTUNIUS LICETUS *in l. de novis astris*
& exercitationibus de lucidis in sublimi c.3. p.15. CREMONI-
NUS *in Apologia de Via Lactea.* PETRUS GALTRUCHIUS
physicæ particularis tract. II. c.2. §.1 p.117. JOH. GARCÆUS *in*
meteorologia. c.21. p. 75. JOH. GERALDINUS HIBERNUS
tract. de meteoris part.2. sect.5. difficult. 2. p.131. HERMOLA-
US BARBARVS *in compend. scient. natur. l.4. pag.57.* JOH.
MAGIRVS *in physica peripatetica IV.5. pag.144.* JOHAN.
SCHARFVS *in physica speciali I.3. pag.263.* HANNIBAL
ROSSELIUS *comment. ad Pymandrum Hermetis Mercurii*

Trismegisti tomo IV. lib. 4. comm. 2. digressionem 2. cap. 4. pag. 137. MICHAEL ZANARDVS in universo caelesti dubio 47. p. 66. Et universo elementari. part. 3. quest. 4. pag. 193. MICHAEL WATSONIVS in synopsi totius philosophia sect. 3. cap. 2. §. pag. 369. SYSTEMA PHYSICVM GOTHANVM lib. 3. part. special. cap. 2. pag. 310. WOLFGANGVS MEVRERVS in meteorologia. pag. 102. JACOBVS AVBERTVS VINDO institut. phys. part. 2. cap. 6. p. 124. GEORGIVS LIEBLERVS epit. meteor. lib. 1. pag. 274. MARCVS FRYTSCHIVS meth. meteor. XV. fol. 97.

§. 7. Hi fuere, quorum librorum usum DEVS mihi concessit: sciens prætereo Etymologicos SVIDAM, HESYCHIVM, ISIDORVM HISPALENSEM, GERHARDVM JOHANNEM VOSSIVM, aliosq; recentiores, quos ipse poteris evolvere. Quod si vero Præceptorum meorum, qui adhuc in vivis sunt & in ILLVSTRI JVLIA munera PROFESSORVM summa cum laude obeunt, hic mentionem factur' essem vereretur ne adulationis crimen me incurrere quis dictitaret; potius ergo gratæ meæ menti sacroque silentio hac vice eorum mihi nunquam non decantandam & sæpius recolendam memoriam involvens ad rem ipsam accedo & interea, dum ab aliis limatiora expeto & exspecto, versus sequentes EVRIPIDIS meos facio:

Καὶ γὰρ ἀδίκημοι
Σιγόμεθα κρείσσωνων νικώμενοι

CAPVT I.

De nomine & situ Viæ Lactæ.

§. I.



Viæ etymologiam quod

spectat *VARRO* de *Lingua Latina* lib. IV. pag. 9. II. hanc tradit: *via iter, quod ea vehendo teritur -- qua vehabant Viæ dictæ.* *JOSEPH. SCALIGER* in *Indice verborum etymologiae* perperam à *Varrone* traditæ veram origi-

nem viæ reddere conatur ex *Lingua Græca*. Putat enim οἶα idem esse cum via. Videatur pag. 176. & *JEREMIAE HOELZLINI* comm. ad *Argonautica APOLLONII*. Adducit Vir ille summus pro sua sententia *APOLLONIUM*, at vereor, ne rectius vertatur cum *SCHOLIASTE GRÆCO APOLLONII* οἶα per κώμην. *APOLLONII* versus hi sunt II. 138. 139.

Πέρθοντο γὰρ ἢ μὲν ἀλωαὶ
Ἡδ' οἶα τῆμ' & δνίω ὑπὸ δουρὶ Λύκοιο.

Vastabantur enim & vineæ

Et pagi ab hostili gladio Lyci.

Innuat scilicet *Apollonius*, *Lycum* totam illam regionem evertisse vastando vineas & pagos. *GERH. JOH. VOSSIVS* etym. *Ling. Lat.* p. 555. cum *JVLIO CÆS. SCALIGERO* accersit ab ἰω præponendo digamma *Æolicum*.

§. 2. Porro quid via sit notandum, quæd aliam definitionem subministret vulgus, aliam *ICtorum* schola. Vulgus κατὰ γεννητικὸς usurpat pro quovis loco, per quem ire omnibus licet. *ICti* aliter: hos inter *JOH. BELLONVS* etymologiarum *Juris* pag. 299. definit, quod sit *jus eundi & agendi & ambulandi hominis*. Hinc si quando accuratius loqui volūt, distinguere amant inter actum, iter & viam, licet nec exposite nec satis aperte illorum documentis tradatur, qua mensura

quaq.

quāq; finitione iter, actus aut via constet, si ALEXANDRO AB ALEXANDRO Genial. dierum II. 20. pag. 216. fidem adhibemus, cum tamen LEX XII TABB. Via latitudo in porrectum octo pedum esto in anfractum sedecim: latitudinem viæ satis aperte definiat. Vide ANTON. AUGUSTINI Emendationum II. 11. pag. 113. Quid autem sit in porrectum, in anfractum nondum inter eruditos convenit: consulatur hac de re JOH. ROSINI Antiquitat. Roman. VIII. part. 1. cap. 6. p. 1286.

§. 3. Hæc de propria significatione viæ, quam obiter nostris thesibus inferuimus: progredimur ad metaphoricam, quam nostrum institutum postulat contemplari. Constat autem hanc significationem ei tribui μεταφορικῶς ob similitudinem quandam, quæ consistit in affinitate, quàm zona illa habet cum via communem, latitudine scilicet, eadem ratione, quâ & zona dicitur. Neque enim spacium illud revera pedibus teritur, aut zona illa quidpiam circumdatur. Additur autem Lactea ob candorem, qui, cum nostro visui sese offert, lactis speciem videtur obtinere: unde & ab ARISTOTELE semper vocatur simpliciter γάλα, NICOLAVS CABEVS quidem monet, ARISTOTELEM viam lacteam nativo sibi vocabulo nominare Galaxiam, verum dubitamus, siquidem nobis non occurrit locus in textu ejusdem, quo via lactea isto nomine insignita sit. Interpretes verò Aristotelis, & qui post eum de ea re verba fecerunt eo nomine usos fuisse non negamus. Hinc sæpius occurrit γαλαξίας κύκλος item γαλαξία.

§. 4. Præterea denotat (1) gemmam, de qua PLINIVS XXXVII. 10. pag. 1592. ita: Galaxiam aliqui galactiten vocant. Is ex vino colore lactis est. Eandem dicunt leucam & leucographiam, appellant & synnephiten, tritam lactis succo aut sapore notabilem. In educatione nutricibus lactis fecunditatem, infantium quoque alligata collo salivam facere dicitur, in ore autem liquefcere &c Vide si lubet JULII SOLINI POLYHISTOREM p. 89. CHRISTOPHORI ENCELII de re metallica III. 19. pag. 204. & MARBODEI enchiridion de lapidibus pretiosis cap. 31. f. 32. cum scholiis.

scholius PICTORII VILLINGENSIS (2) Chiromantici lineam illam, quæ à carpo ad auricularem extenditur, viam lacteam vocant. Vocatur aliàs soror hepaticæ & magnæ felicitatis argumentum esse dicitur. Consulatur *HIER. CARDANI de rerum varietate XV. 79. p. 719.* (3) pultem hordeaceam in lacte coctam. Et (4) denique festum aliquod, in quo veteres pultem illam coxerunt. Audiamus *HESYCHIVM p. 159.* Γαλαξία ἑορτή ἐν ᾗ ἐψουσι γαλαξίαν ἐπὶ δὲ πολλὸς κελὶνθ ἐν γάλακτι.

§. 5. Arabes viam lacteam vocant *Majarati* (ut *JOHANNES STOEFLERVS* habet) cujus duas affert expositiones. Quidam exposuerunt per *aream quæ movetur*, id est, *platea*, quæ ad motum firmamenti movetur: *area* dicitur quasi ardore solis facta. Alludere autem videtur illorum expositio ad fabulam de qua sequenti capite. Quidam per *arcam, quæ movetur*. In lacteo enim circulo plurimæ sunt stellæ minutissimæ causantes in oculis insipientium colorem album seu lacteum. Hæ autem stellæ in lacteo circulo, ut in arca arcentur & continentur, ideo non inepte dicitur *arca*. *ATHANASIO KIRCHERO* referente in literis ad *JOHANNEM BAPTISTAM RICCIOLVM*, apud Arabes & omnes pene orientales viam lacteam *Almegiret* dici deprehendimus, quod interpretatur tractum ex sparsa palea, seu ductum in cælo, qui dicitur *via straminis*: id quod confirmat autoritate *Aben-Ragel in Astronomia*. Idem laudatus vir docet nos viam lacteam ab Ebræis vocari *Nedibath theben* à Chaldæis *Schabiltabno*, ab Æthiopibus *Chasara tsamangadu*, ac demum ab Ægyptiis *πινωτὴν τέπιτοχ* seu viam straminis. Plura nomina, quæ sortitur lactea via in sequentibus adducuntur.

§. 6. Situm viæ lacteæ in cælo *PTOLOMÆVS* & *RICCIOLVS* accurate describunt, ex quibus nostris thesibus eundem inferemus, licet oculis melius in cælo serena nocte contemplari possimus. Differt autem descriptio laudatorum virorum in eo, quod *PTOLOMÆVS* à pedibus *Centauri* eam aspicietur, *RICCIOLVS* verò à segmento *Coluri* transiente per
sectio-

sectionem vernam incipiat. Hujus vestigiis insistentes, hanc
viæ lacteæ situs delineationem damus. Ductus nempe viæ la-
cteæ transit per *Cassiopeam*, *Perseum*, *Erichthonem* sive *Auri-
gam*, pedes *Geminorum*, *Orionis* clavam, *Canis majoris* caudam,
Argonavem, *Centauri* pedes: hic in bivium abit & tanquam
fluvius insulam cœli partem circumdat. Orientalior transit
per *Aram*, extremam partem *Scorpii*, pedemque *Ophiuchi* o-
rientaliorem & arcum *Sagittarii*, Occidentalior per priorem
partem *Scorpii* caudæ, genu *Ophiuchi*, ultra quod conjungitur
transverso tramite cum ramo orientali; sed recto tramite
pergit divisio versus polos & pars orientalis fertur per pedes
Antinoi per *Aquilam*, *Cygni* alam succedentem: occidentalior
autem per *Serpentis* flexuram, manumq; *Ophiuchi* dextram,
& collum *cygni*, catenam manumque dextram *Andromedæ*,
absolvitque suam periodum in *Cassiopea*. Ita & *MANILIVS*
lib.1.pag.22. postquam de zodiaco verba fecerat eleganter de-
pingit situm circuli lactei sequentibus non minus doctis quam
elegantibus versibus:

*Alter in adversum positus succedit ad Arctos
Et paulum à borea gyro sua fila reducit,
Transitq; inversa per signa Cassiopea.
Inde per obliquum descendens tangit Olorem
Æstivosq; secat fines, Aquilamque supinam
Temporaq; equantem gyrum Zonamque ferentem
Solis equos intra caudam, qua Scorpius ardet,
Extremamq; Sagittarii levam atq; Sagittam.
Inde suos sinuat flexus per crura pedesque
Centauri alterius rursusq; ascendere cælum
Incipit, Argivamq; ratem per aplustria summa
Et medium mundi gyrum, Geminosq; per ima
Signa secans subit Heniochum, teq; inde profectus
Cassiopea petens super ipsum Persea transit,
Orbemq; ex illa captum concludit in ipsa.*

CAPVT II.

Quo proponitur

Pythagoreorum de Via lactea opinio.

§. I.

Philosophus noster Pythagoreorum opiniones loco laudato his proponit verbis: Τῶν καλῶν Πυθαγορείων φασι τινες ὁδὸν εἶναι ταύτην· οἱ μὲν τῶν ἐκπεσόντων πινὸς ἀστέρων καὶ τὴν λευκὴν ὅτι φαέθοντα φθορὰν· οἱ δὲ τὸν ἥλιον τοῦτον τὸν κύκλον φέρεσθαι ποτὲ φασιν. Refert scilicet quosdam Pythagoreos asseruisse istum circulum esse viam quandam & quidem combustam; de hoc enim inter eos convenit. At cum in eo ingenium istorum non posset acquiescere, forsitan ulterius cæperunt disquirere, quidnam fuisset istud, quod circulum illum combussisset. Supposuerunt autem dicti homines: cœlum esse combustile sive non repugnare naturæ cœli, quo minus comburi se pateretur & cœli combusti partem ex incendio induisse candorem; quemadmodum lignum vi subjecti ignis & mox extincti in nigrum carbonem redigitur seu potius nigrum quendam colorem sibi induci patitur. Quo posito porro ratiocinati sunt, causam quandam huic combustioni efficientem necessario debere subesse: quænam illa? Quæ in cælo existunt corpora, necessario ad hunc effectum debent concurrere; corpora autem illa cœlestia sunt igneæ naturæ, certe itaque corpora ista tali facultate prædita hanc combustionem causarunt. Hinc jam isti, qui è schola Pythagoræ fuisse perhibentur, in bivium abiire. Quidam ergo commenti sunt, solem aliquando hanc viam lacteam tanquam iter ordinarium trivisse, at postea se convertisse ad Zodiacum ob Thyestis horrendum facinus & monumentum aliquod viæ pristinæ reliquisse. Quidam vero docuerunt, causam combustionis in cælo factæ fuisse unum quoddam ex

astris illis de cælo decidentibus, tempore illius indocti & audacis aurigæ Phaëtonis, qui equos & currum parentis per unum diem regere conabatur.

§. 2. Versibus eleganter laudatus *MANILIUS* complexus est istorum Philosophorum sententias; lubet eosdem subungere.

*An melius manet illa fides per secula prisca
Illac Solis equos diversis curribus isse.
Atq; aliam trivisse viam, longumq; per ævum
Exustas sedes, incoëtaque sidera flammis,
Ceruleam verso speciem mutasse colore,
Infusumq; loco cinerem, mundumq; sepultum.*

Iisdem Pythagoreis calculū suum adjecit *METRODORUS* (floruit circa Olympiadē 105, seu ante Christum 360 teste *DIOGENE LAERTIO*) Philosophus & Astronomus insignis *Anaxarchi* Præceptor, si conjecturis locus detur forsitan in libris suis de ratione Zonarum, qui hanc viam fuisse olim semitam Solis retinentem pristini ardoris vestigia populo persuadere conatus est. Videatur *PLUTARCHVS* de placitis Philosophorum l. l.

Pergit *MANILIUS*:

*Fama etiam antiquis ad nos descendit ab annis
Phatontem patrio curru per signa volantem,
Dum nova miratur propius spectacula mundi,
Et puer in calo ludit, curruq; superbus
Luxuriat, mundo cupit & majora parente,
Monstratas liquisse vias, orbemq; rigentem
Imposuisse polo nec signa insueta tulisse
Errantes nutu flammæ, currumq; solutum
Deflexum solito cursu, curvisq; quadrigis
Quod querimur, flammæ totum sevisse per orbem
Terrarumq; rogam cunctas arsisse per urbes:
Cum vaga dispersi fluitarunt lumina currus,
Et cælum exustum est. Luit ipse incendia mundus.*

Et

Et nova vicinis flagrant sidera flammis,

Nunc quoque prateriti faciem servantia casus.

Plutarchus loco laudato eorum nugas his verbis recenset :
Τῶν πυθαγορείων οἱ μὲν ἔφασαν, ἄλλοι εἶναι ἀληθεύειν ἐκπεσόν-
των μὲν ἀπὸ τῆς ἰδίας ἑδρας, δι' ἧς δὲ ἐπέδραμε χρείου κυκλοτερώς
αὐτοὺς κατὰφλέξαντες ὅτι τῶν φάεθοντα ἐμπρησμοῦ. Οἱ δὲ τὸν ἡ-
λιακὸν αὐτῇ φάσι καὶ ἀρχαῖς γεγένηται δρόμον.

§. 3. Primam sententiam tanquam fabulosam Philoso-
phum silentio praterire interpretes OLYMPIODORVS &
JOH. PHILOPONVS putant. Hinc Aristotelem dicunt
non referre germanam Pythagoreorum mentem, sed longe
aliud quid hic latere: confugiunt ergo ad allegoricam fabulae
istius explicationem. OLYMPIODORVM ipsum loquentem
audiemus: sic autem ille: Φαέθων φησὶν ὁ ἀπὸ ἡλίου καὶ κλυμῶντος
ἦν τῆς τὸν ἴδιον πατέρα ὠξυδοῦναι αὐτῷ τὸ ἄρμα, ἐφ' ᾧ ἡνιοχῆται·
ἐπειάδη, ἔδωκεν, ἔλαβεν, ἀτέχνως ἤλασεν, ἐλάσας κατέφλεξε, καὶ ὁ τό-
πος ἐκεῖνός, ὁ κατὰφλεχθεὶς ἐστὶν ὁ γαλαξίας. Αλλ' ἐπειδὴ μὲν ὁ
τοῦ λεγόμενου, ἀποπὸν δὲ μυθώδη ταῦτα νομίζειν, πυθαγορεῖς τῆς δόξης
καταφευκίας, φέρεται αὐτὴν ἀλληγορήσωμεν οὕτως. Ο Φαέθων, κομήτης·
Πᾶς δὲ ἡλίου ἐπωνομάσθην ἀπὸ ἡλίου, ὡς παρὰ γὰρ ἀπὸ τῶν θεῶν.
Οὐδ' ἦν τῆς τὸν ἥλιον ἡνιοχῆσαι, ἀλλ' ἐπὶ τῶν ἡφίετο τῆς κινήσεως τῆς ἡ-
λίου κύκλῳ γινομένης· διὸ καὶ αὐτὸς κύκλῳ ἐκινήθη τῶν ὑπεκκαυμάτων
ὡς φύσιν τῶν πάντων συγκινήθηντες. Κινηθεὶς δὲ κατέφλεξεν, ἀπὸ
τῶν αὐχμῶν αἵτις ἐγένετο· Τοιοῦτος γὰρ καὶ ὁ κομήτης τῶν φησὶν
ὁ Ζεὺς ὀργισθεὶς ἐκεραυνώσας, δι' ἣν αἰτίαν ὡς τῶν αἰθέρων ἀρχὸν καὶ τὸ
εἰρημῶν

Ζεὺς δ' ἔλαχ' ἑρανόεν εὐρύν ἐν αἰθέρι καὶ νεφέλῃσιν

Ἐκεραυνώσας δὲ αὐτόν, αἰὲν τῶν ὑπὸ τῆς ἀτμίδος κατέσβεσε· διὸ καὶ
ἐν τῷ ἡεδανῶ τοῦτον λέγουσι πέπλωκεναι, τῶν τε τῶν ὑπὸ τῆς ὑρότης
καταβαπτισθῆναι· ὁ δὲ αὐτὸν φασὶ τὰς ἡλιάδας ἀπὸ τῶν ἀτ-
μίδων ἐξ αὐτῶν κατὰρρεῖν ὑδατῶδη ὕδατος, οἷα καὶ τὰ δάκρυα. Εἰς αἰγύρας δὲ
λέγουσι ταύτας μεταβληθῆναι, διότι ἀπὸ πάντων αἰγύρων ὅπως καταρρεῖ
ὅμοιος τῷ ἡλεκτρῷ, τὸ δὲ ἡλεκτρον χευσσοφανές· ὁ δὲ χευστός ἡλίῳ ἀνά-
κειται. Τὴν δὲ ἀτμίδα ὡς τῷ ἡλίῳ συμπράξασαν αὐτῷ ἀντιθεασιν.
Et tribus interjectis: Ταύτας ὡς μυθῶδες ὡς σιωπᾷ ὁ Αἰετοπέ-

της ἐλεγχον. Item: Τὴν πρώτην ἀφ' ἧς λέλειπε καὶ τὸ μυθῶδες.
Quibus consentiunt illa PHILOPONI: Πρὸς τὴν δευτέραν μυ-
θολογίαν Αεισώτης ὅδ' ἀντιπεῖν ἀξιοῖ.

§. 4. Verum enim verò, quod pace istorum virorum di-
ctum volumus, utramq; Pythagoreorum sententiam Philoso-
phus noster refutavit; ipsius enim argumentatio utrosque
ferit. Argumentatur scilicet hunc in modum. Si viæ lactæ
causa est combustio (sive illa facta sit ab astro aliquo sive à So-
le) illius cæli tractus, necessario etiam illa cæli pars, in qua
figitur Zodiacus, tot seculorum decursu combusta erit &
per consequens lactea apparebit. Etenim si unum aliquod
astrum aut Sol posset talem effectum post se relinquere, certe
Zodiacus, in quo non una stella tantum sed & omnes planetæ
gradiuntur, talem, qualis est viæ lactæ, formam assumeret
necesse est. Jam verò Zodiaci forma non est eadem cum viæ
Lactæ, quam totam non videmus, Zodiacum verò totum
possumus contemplari; singulis enim noctibus medietatem
ejus videmus, quod ita demonstramus. Sit A globus terræ,
quæ est respectu cæli instar puncti BCDE cælum, EC Horizon
Mathematicus transiens per centrum terræ, FG Horizon
Physicus, qui stringit superficiem terraquei globi. Dico, illam
partem cæli, quæ intercepta est à mathematico & physico Ho-
rizonte, esse insensibilem propter insensibilem magnitudi-
nem semidiametri terræ, per quam distant inter se illa plana,
ad magnitudinem cæli; cum ergo Horizon mathematicus
cælum dividat in duas æquales partes, erit supra Horizontem
mathematicum media pars Zodiaci cumque terra,
sit instar puncti respectu cæli, supra Horizontem Physi-
cum quoque erit media pars zodiaci. Quod erat demon-
strandum. Quo evictò totum zodiacum facile possumus con-
templari & ad oculum (ut loquuntur) demonstrare, nondum
ex motu Solis continuo & reliquorum Planetarum zodia-
cum exustum aut ea qua via lactea gaudet albedine, tinctum
esse. Quapropter nec motus astri cujusdam violentus, nec
motus

motus continuus, etiamsi fuerit, (quod tamen falsum) talem albedinem parti illi cæli nomine Lactis insignitæ inducere potuit.

CAPVT III.

THEOPHRASTI fabulam refert.

§. 1.

MACROBIUS de hoc THEOPHRASTO ita: THEOPHRASTVS lacteum dixit esse compagem, qua de duobus hæmisphæriis cæli sphæra solidata est. Et ideo ubi oræ utrinque convenerant, notabilem claritatem videri. MANILIVS hanc ita refert :

*An coeat mundus duplicisque extrema cavernæ
Convenient, calique oras & sidera jungant,
Perque ipsos fiat nexus manifesta cicatrix,
Fissuram faciens mundi, stipatus & orbis
Aeriam in nebulam clara compagine versus
In cuneos alti cogat fundamina cæli.*

§. 2. Hæc scilicet est eorum sententia, qui dicebant, τὸν γαλαξίαν ἐκ συµβολῆς τῶν δύο ἡμισφαίριων συνεστηκέναι: cui subscripserunt & illi, de quibus MANILIVS canit :

*Num se diductis conetur solvere moles
Segminibus, raraque labent compagine rimæ
Admittant que novum laxato tegmine lumen.
Quid? quasi non timeant magni cum vulnera cæli
Conspiciant, feriant que oculos injuria mundi.*

§. 3. Quis autem fuerit THEOPHRASTVS, cui hoc commentum tribuitur à MACROBIO frustra forsàn quæsiseris. Certè de THEOPHRASTO ERESIO, (qui floruit sub PTOLOMÆO LAGI & cognomine SOTER it. PTOLOMÆVS I. dictus) ARISTOTELIS OLYMP. II 4 (ut JOHAN. JONSIUS de scriptoribus historia philosophicæ I. 14. p. 74) defuncti in schola Atheniensi successore id non possumus affirmare. Etenim iam brevi temporis spatio discipulum à Præ-

ceptoris sui placitis ad vana illa somnia transiisse, quis affirmaret? Si THEOPHRASTVS PARACELSVS impostor ille & fanaticus (de quo legi meretur DAN. SENNERTI *liber de Chymicorum cum Aristotelicis & Galenicis consensu ac dissensu cap. 4. & 5 pag. 58. & seqq.*) à diabolo superioribus seculis in lucem fuisset editus, posset quis conjicere, eundem cum aliis portentis hanc fabulam in lucem protrusisse. Admiramur autem MACROBIUM, ALBERTUM MAGNUM & STOEFLERUM, quod hanc fabulam & figmentum inter ea, quæ ad naturam viæ lactæ visa sunt, pertinere, maluerint referre. Nos scimus DEVM O. M. hujus universi creatorem esse Ens perfectissimum, à quo quicquid proficiscitur, est perfectum, eumque non opus habere gypso aut alio ferramine, quo nostri artifices opera sua conglutinant, ad combinandas & conjugendas partes integrantes corporis cujusdam.

CAPVT IV.

De Lacte Junonis mythologica.

§. I.

Lacteam viam à lacte denominari omnes consentiunt, at in designanda ratione denominationis nimium quantum discrepant: qui veritati litant, norunt illam lacteam dici ratione coloris lactis, ad quem proxime videtur accedere. Hinc ARATVS:

Κεῖνο δὲ γληνὲς τροχάλῳ γάλα μιν καμέουσι
 Τῷ δὴ τοι χροῖνι μὲν ἀλίγκι

Quod FESTVS AVIENVS ita reddit:

*Sidera candentis speciem super inspicie lactis
 Protendi calo: color olli nomen ab ortu*

CICERO: *Vidisti magnum candentem serpere Circum
 Lacteus hic nimio fulgens candore notatur*

OVIDIVS: *Est via sublimis celo manifesta sereno.
 Lactea nomen habet candore notabilis ipso.*

§. 2. Qui verò fabulas amplectuntur, magno conatu magnas nugas agunt. Refert HYGINUS Eratosthenein dixisse, Mercurio Infanti Junonem insciam dedisse lac; sed posteaquam resciverit eum à suo marito & Maia genitum, Mercurium à se projecisse & hanc ansa lac profudisse, deinde hujus profusi lactis splendorem in cælo apparuisse. Hinc MANLIVS :

*Nec mihi celanda est fama vulgata vetustas
Mollior : è niveo lactis fluxisse liquorem
Pectore Regina Divum, calumq, colore
Infecisse suo. Quapropter lacteus orbis
Dicitur & nomen causa descendit ab ipsa.*

NATALIS COMES hoc de Hercule refert. Scilicet Palladem suasu Jovis ad Junonis dormientis ubera Herculem adnovisse, quo immortalitatem consequeretur (ad quam fabulam ex mente Natalis alludere videtur Lycophron in obscuro illo de Cassandra poemate p. 90 hoc versu :

Μύση τροπαία, μακρόν ἐν ἡλόν ηἰεῖς.)

At Junonem experrectam Herculem projecisse & lac profudisse, cujus pars quædam deciderit in cælum, quædam in terram : illam in cælo formasse viam lacteam, hanc verò lilia, cum antea gauderent colore croceo, candore suo tinxisse, vide si lubet CÆLII RHODIGINI antiquarum lectionum librum VI.7. p. 278. Alii autem dicunt Herculem propter nimiam ariditatem lactis multitudinem appetisse neque in ore continere potuisse : quod ergo ex ore ejus profusum, circum lacteum signasse.

§. 3. Quibus demum tertia illa de lacte Opis subjungenda est fabula. Cum aliquando Ops Saturno lapidem pro partu attulisset (ex metu forsan, ne Saturnus eundem, ut cæteros levoraret) jussisse Saturnum ei lac præbere : quæ cum pressisset mammillas lac profusum circulum illum deformasse hæc HYGINUS.

CAPVT V.

Alia mythologica de via refert.

§. 1.

UT omittamus mythica illa de stramine & fasciculo aristarum Isidis fugientis, quem Typhonem sibi obiectum in cælo dispersisse fingunt, unde & nomen viæ straminis via lactea traxit, duo illustriora retulisse nos non pænitebit. Superioribus seculis cum regiones Germaniæ adhuc adimpleta essent superstitionibus & traditionibus mere humanis, si quando notoriè (ut loqvuntur) cum primis Laicus aut etiam Clericus peccasset, pro peccato illo satisfacere tenebatur. Hinc aut mulctam aut pænam dare cogebantur; imposuerunt ergo iter aliquod vel Romanum vel Compostellanum suscipiendum: quod ut persuaderent fanatici illi, dicebant imperito vulgo, hanc semitam ita tutam esse, ut imago ejus in cælo appareret, & hac semita DEVM ostendere, quam accepta sibi esset ista peregrinatio, in primis Compostellana. Est autem Compostella Galliciæ civitas, in qua Jacobi Apostoli ossa asservari dicuntur. Quod commentum adeo invaluit, ut via lactea vocata fuerit via Roma & via etiam Jacobi, die Jacobs Strasse/quasi ad Jacobum vel Romam duceret. Videatur ÆGIDIUS STRAUCHIUS & MARCUS FRYTSCHIUS.

§. 2. Altera sunt ex fonte doctrinæ Platoniciæ hausta de semita Deorum & animarum non quidem omnium sed tantum heroum sive bonorum; improborum enim circa terram volvuntur. Faciunt huc verba SCIPIONIS in *Somnio* ejusdem à CICERONE in libro VI. de *Republ.* descripto: *ea vita* (in qua justitiam & pietatem colimus) *via est in cælum & in hunc* (quæ duo verba si auferas, sensus erit non adeo intricatus) *cælum eorum qui jam vixerunt & corpore laxati illum in colunt locum, quem vides. Erat autem is splendidissimo*

candore inter flammās elucens circulus, quem vos, ut à Graiis ac-
cepistis, orbem lacteum nuncupatis. OVIDIUS hanc fabulam
clarius expressit versibus sequentibus :

Hac iter est superis ad magni tecta Tonantis
Regalemq; domum dextra, lavaq; Deorum
Atria nobilium valvis celebrantur apertis.
Plebs habitat diversa locis : à fronte potentes
Calicola, clariq; suos posuere penates.
Hic locus est, quem si verbis audacia detur
Haud timeam magni dixisse palatia cali.

Fusius hanc fabulam persequitur sapius laudatus MANILI-
VS quando inquit :

An fortes anima dignataq; nomina calo
Corporibus resoluta suis terraq; remissa
Huc migrant ex orbe, suumq; habitantia cælum
Aethereos vivunt annos mundoq; fruuntur ?
Atque hic Aeacidas, hic & veneramur Atridas &c.
Alius aetherei, quae candet circulus orbis
Illa Deum sedes : hac illis proxima, Divum
Qui virtute sua similes vestigia tangunt.

§. 3. Plurima autem de hac fabulantur, nempe zodiacum
ubi lacteus circulus obliquæ circumfluxionis occurſu ambi-
endo amplectitur & quæ duo signa tropica Capricornus & Can-
cer feruntur, ibidem duas esse portas Per has portas, ut refert
MACROBIUS anima de calo in terras & de terris in cælum
remeare creduntur. Ides hominum una, altera Deorum vocatur.
Hominum Cancer, quia per hunc in inferiora descensus est : Ca-
pricornus Deorum, quia per illum anima in propria immortalita-
tis sedem & Deorum numerum revertuntur. Dein refert, cur
Pythagoras primam lactis alimoniam nascentibus offerri pu-
taverit, quia primus ejus motus à Lacteo incipit in corpora terre-
na labentibus. Vnde & Scipioni de animis beatorum ostenso lacteo
circulo dictum est : hinc profecti, huc revertuntur. Ergo descen-

fura, cum adhuc in Cancro sunt, quoniam illic posita nec dum lacteum reliquerunt, adhuc sunt in numero Deorum. Cum vero ad Leonem labendo pervenerint, illic conditionis futura auspiciantur exordium, & quia in Leone sunt rudimenta nascendi & quaedam humana natura tyrocinia. --- Illinc ergo id est à confinio, quo se Zodiacus lacteusq; contingunt, anima descendens à tereti, quæ sola forma divina est, in conum destuendo producitur sicut à puncto nascitur linea & in longum ex individuo procedit &c. Consultatur JAC. MAZZONUS in defensione Dantis III. 42.

§. 4. Hæc recenset MACROBIUS; an verò sub hisce tanquam involucris divinius quid latitet, & an hæ fabulæ sint hieroglyphicis accensendæ, jñdicent Oedipi illi, qui in istis rebus tempus terere allaborant. Hoc scimus, quod lacteus ille circulus, è quo Scipio animas nostras prodire credebat, hæc à re nomen juxta quosdam traxerit. Sic enim PORPHYRIUS lib. de Nympharum antro. Δῆμι δὲ οὐνείρων καὶ Πυθαγόραν αἱ ψυχαί, αἱ συναγαγόντες εἰς τὸν γαλαξίαν τὸν ἔσω περιεσπόμενον ἀπὸ τῶν γαλακτικῶν τροφῶν, ὅταν εἰς γένεσιν πέσωσιν. Videantur apud JOH. MEYRSIVM in spicilegio ad Theocriti Idyll. 25. p. 138.

§. 5. Ovidianam fabulam STOEFLERVS per allegoriam utcunq; enucleare conatur; verum longe aliud est verba authoris cujusdam trahere in hunc vel illum sensum & hoc vel illud verbis hisce authores expressisse demonstrare. Audiemus ipsum: In hujus sane fabulæ carminibus poeta Jovem multa ingeniose tribuit, quæ nos Deo O. M. concedimus. Jovem enim patrem dominumq; Deorum, regem cæli sedentem in throno eburneo esse voluerunt veteres, quem nos Deum O. M. regem regum, & dominum dominantium esse confitemur, cui cælum ipso attestante thronus est. *Esaiæ LXVI. Apoc. XXI.* Ad quem via est sublimis, ardua & difficilis &c. Viam ad æternam beatitudinem rectissime theologi innocentiam testimonio regii prophetæ

(com-

(communem hic errat errorem, cum Davidem vocat regium prophetam, rectius Regis & Prophetæ) posuere Psal. XXIII. ,, & XIV. Plura adducere nil attinet, singula suam merentur limam. Neque omnibus mythologicis mysteria aut arcana quædam non aspernanda teguntur, plurima sunt simpliciter falsa & merè aniles fabulæ. Ne nunc dicamus quàm sinistre S. Scripturæ dicta huc trahant, hoc juvat adiecisse, nil nisi helleboro istos indigere, nec pietatem sed superstitionem in illis regnare. Pauca adhuc indicio eorum quibus est acetum in pectore submittimus: *Virtutes, quæ arma lucis à Paulo ad Rom. an. XIII. vocantur, intellectum elevant in splendorem lucis æternæ. Virtuoso enim omnia in luce clarescunt Ovidij testimonio. Vbinam exstat? Pergit:*

Lactea nomen habet, candore notabilis ipso

Hac iter est superis ad magni tecta Tonantis.

Et rectè. Nihil siquidem coinquinatum intrabit in regnum celorum Apoc. XXI. Ambulant enim albis stolis amicti. Ita illi homines, qui semel hanc sententiam amplexi sunt, amant quid pro quo (ut loquimur) effundere, nec dispicere quomodo singula cohæreant.

§. 6. Agmen fabularum tandem illa claudat, qua nugatur esse viam, in qua Apollo contra Gigantes pugnaverit; ut ZANARDVS refert. FRYTSCHIVS paulo aliter hunc in modum: PONTANVS fabulose etiam loquitur de hoc tractu, cum fingit Iovem victis Gigantibus signasse eum locum & tanquam monumentum ejus victoriæ constituisse, ad duo mundi latera, cum beneficio Solis accepto iterum lumine & abactis vaporibus, quos terra ad offundendam caliginem Iovi & aliis Diis adeoque ad impediendos eos & juvandos Gigantes filios suos emiserat, illam victoriæ consecutus esset.

CAPVT VI.

Posidonii & Diodori

opinio.

§. 1.

MIssis ergo fabulis ad Philosophos redimus, quos inter *POSIDONIUS*, *cujus definitioni* (viæ lacteæ) *plurimum consensus accessit, teste MACROBIO*. Dixit autem lacteum circulum caloris esse syderei infusionem: quam ideo aduersa Zodiaco curvitas obliquauit, ut quoniam Sol nunquam Zodiaci excedendo terminos expertem fervoris sui partem cali reliquam deserebat, hic circus à via Solis in obliquum recedens, universitatem flexu calido temperaret. *PLUTARCHVS* refert *POSIDONIUM* voluisse viam lacteam esse πυρὸς σύστασιν, ἀτρεῖς μὲν λαμπρότερον, αὐτῆς δὲ πυκνότερον, hoc est ignis concretum sive structuram, astro clariorem, luce vero densiorem.

§. 2. Eadem ferme est sententia *DIODORI*, si rem ipsam spectare velimus; refert enim *MACROBIUS* eum statuisse viam lacteam esse ignem densatæ concretæque naturæ in u-
,, nam curvi limitis semitam discretionem mundanæ fabricæ
,, coacervante concretum: & ideo visum intuentis admitte-
,, re reliquo igne cælesti lucem suam nimia subtilitate diffu-
,, sam non subjiciente conspectui.

§. 3. Hæ sententiæ innituntur falsæ huic hypothese: cælum esse igneæ naturæ: quam, cum *ARISTOTELES* lib. i. de cælo & Commentatores ejusdem dudum exploserint, illorum sententia huic innixa hypothese per se ipsa concidit. At esto: sit igneæ naturæ orbis lacteus, necessario ergo juxta *POSIDONIUM* mentem solis vicem sustineret in locis polis vicinioribus & ea calore suo temperaret, ne nimium frigus experirentur incolæ istorum locorum. Experientia autem edocet, quàm intensum frigus eos qui hîc habitant, sole receden-

te in-

te invadat. Quapropter ficulneo nititur fundamento; quin si
vera hæc Posidonii sententia, quantum æstum sustineremus
sole in via lactea commorante? Rectè ergo Conimbricen-
ses; Hæc sententia à vero abest: primum quia non potest
reddere causam splendidissimi illius candoris, quem constat
diversum quidpiam esse à calore. Secundo, quia rigor qui
ad utrumq; polum sentitur, satis indicat non dari tempera-
tionem illam, cujus gratia ejusmodi ardor cælo sparsus fingi-
tur. Deinde quia calor, cum sit qualitas elementaria, solis
corporibus interitum subeuntibus conveniens neutiquam
in cælesti mundo locum habet.

§. 4. Quibus duas adhuc sententias Philosophorum ad-
dimus ex Plutarcho, Parmenidis & Anaxagoræ. Is putavit
τὸ τῆς πυκνῆς καὶ ἀραιῆς γαλακτοειδὲς ἀποτελέσαι χεῖμα denſi ac
rari mixtione lacteum colorem confici, ut vertit Xylander.
Quale autem densum ac rarum intelligat Parmenides, frustra
quæras apud alios; quapropter non est opus, ut in hanc refu-
tandam operam impendamus. Cujus farinæ etiam est illa
quam PLUTARCHVS Anaxagoræ tribuit: τὴν σκιὰν τῆς
γῆς καὶ τῆς τοῦ μέγθ' Ἰσθαλῆς τῆς ὕδατος, ὅταν ᾤσθω τὴν γῆν ὁ ἥλιος
γινόμενός μὴ πάντα φωτίζει. Scilicet umbra terræ in ea parte
cæli potest consistere, quam nunquam attingit, ne dicamus
quam absurdum sit dicere umbram esse candidam.

CAPVT VII.

Hippocratis Chir sententia,

§. I.

A Ristoteles his verbis exprimit illam sententiam: λέγου-
σι πινεσ ἀτάκλασιν εἶναι τὸ γάλα τῆς ἡμετέρας ὀψείας πρὸς
τὸν ἥλιον: Ubi quidem authorem illius sententiæ non ex-
primit, quem tamen OLYMPIODORVS comm. ad h. l. no-

bis suggerit : τετάρτη δόξα Ἰπποκράτης τῷ χιῶν οὗτος φησὶ τὰ
 γαλαξίαν γίνεσθαι ἀνακλάσεως γενομένης πρὸς τὸν ἥλιον, ἀλλ' οὐκ
 ἀνακλάσεως ἀπὸ ἀτμίδου, καθάπερ ἔραμν' ἐπὶ τῷ κομήτῃ, ἀλλ'
 ἀπὸ ἀστέρων φέρεται οὖν φησιν ἡ ὄψις πρὸς τὰς ἀτέρας καὶ ἐκείθεν
 ἀνακλάται πρὸς τὸν ἥλιον, καὶ οὕτως φέρεται πρὸς ἡμᾶς· οὕτως ὁ
 Ἰπποκράτης. Nec PLVTARCHVS nomen authoris adjicit:
 λέγει (inquit) κατοπτρεῖν εἶναι φαεινότητα, τοῦ ἡλίου τοῖς ἀστέρας
 πρὸς τὸν οὐρανὸν ἀνακλῶντος· ὅπερ καὶ ἐπὶ τῆς ἰεῖδος καὶ ἐπὶ τῶν
 νεφῶν συμβαίνει. Hanc sententiam quam OLYMPIODORVS
 Hippocrati Chio tribuit, DIOGENES LAERTIVS lib. 2.
 pag.94. adscribit Anaxagoræ, his verbis: ἔλεγε Αναξαγόρας
 γαλαξίαν εἶναι ἀνάκλασιν φωτὸς ἡλιακοῦ καὶ καταλαμπομένων τῶν
 ἀστέρων. Cui opinioni calculum suum addere videtur SVI-
 DAS p.588. Γαλαξίας το' ἐν οὐρανῷ φῶς· ὅπερ ἐστὶν ἀντανάκλα-
 σις φωτὸς ἡλιακοῦ καὶ καταλαμπομένων τῶν ἀστέρων.

§. 2. Prius verò quàm ad examen hujus sententiæ acce-
 dimus, non abs re fore existimamus, si quædam ad ejus ube-
 riorem explicationem plurimum facientia præmittamus. Pri-
 mū ergo sit de genuino sensu verbis Aristotelis contento sen-
 tentiæ laudatæ: poteramus hoc labore carere, ni Aristotelem
 iniquè sugillasset CABEVS inquiens: *non acquiesco dictis*
Aristotelis; solet enim, ut verum fatear Aristoteles SEMPER
dicta Antiquorum interpretari in pejorem sensum, ut commodius
ac facilius impugnet. Quibus Cabeii verbis nulla desunt nisi
 hæc tria: QVOD ERAT DEMONSTRANDVM. Nihil
 quidem magis usu venit, quam ut scripta authorum, quæ alii
 refutare conantur, iidem illi antagonisti affectu nescio quo
 impediti aut limis oculis inspiciant, aut plane non relegant,
 aut si probe legerint sinistre tamen interpretentur: cujus rei
 vel inter eruditos hoc nostro ævo non pauci specimen de-
 derunt. At Aristotelem SEMPER hac lyra oberrasse, quis
 Cabeum si excipias, affirmat; Nuda hæc Cabeii assertio tan-
 tum valet, quantum alterius negatio. Philosophum, quod ad
 hanc

hanc materiam pertinet, absolvent PLUTARCHVS, SVI-
DAS, OLYMPIODORVS, nisi CABEVVS ejusdem criminis
hos reos postulet aut præsumat. Ansam dedit Cabeo hæc
quæstio: *utrum Authores hujus opinionis voluerint, hoc corpus
reflectens lumen solis esse in regione elementari, an in regione cæ-
lesti.* Si laudatos Viros consuluisse CABEVVS & perpendis-
set ne opus quidem fuisset ulla dubitatione, simpliciter affir-
masset, authores illos voluisse corpus reflectens lumen solis
esse in regione cælesti. *At si hac vice mentem illorum sic inter-
pretetur Aristoteles, non impugnabit sed propugnabit; nam re-
vera apparentia illa lactis & albedo illa est reflexio luminis Solis
ad nostrum oculum, quia est lux stellarum ibi degentium, quæ sic
nobis apparet. Sicut ergo splendor & lux omnium stellarum, non
est nisi reflexio luminis Solis ad nostrum oculum, quia ex se stella
lucem non habent, licet non propriissime sit reflexio; ita & albedo
illa eadem proprietate est tenuis & confusa reflexio luminis Solis,
facta à parvis stellis ibi degentibus.* Ita CABEVVS: quæ singula
falsæ huic hypothese, omnes stellas lumen recipere à Sole, in-
nituntur. At stellas fixas non mutuatio seu (ut rectius lo-
quar) alieno lumine lucere, sed proprio à DEO in creatione
insito lumine gaudere neminem nisi quem latent erudita Ke-
pleri, Galilæi, Renati Cartesii, Antonii Mariæ de Rheita, Joh.
Baptiste Riccioli, & Petri Gassendi scripta, negaturum confido;
præsertim cum sciamus Solem ita à fixis distare, ut insufficiens
sit ad eas illustrandas aut refractione radiorum alias gignen-
das. Alia incommoda & absurda ex Cabei verbis propullu-
lantia hâc vice silentio involvimus.

§. 3. Deinde observandum, Aristotelem loqui juxta mo-
rem antiquorum Opticorum, qui videntur voluisse, ab oculo
exire radios, qui ad objectum visibile vel directè, vel reflexe
vel refractè ferantur; dicit enim *ἡ ἀπὸ τοῦ ὀφθαλμοῦ* nostri
visus hoc est radii visualis, quo nos videmus, progredientis à
nostro oculo ad corpus speculare & inde reflecti; Quasi fiat
visio

visio effluvio seu emissione radiorum visivorum sive luminis
sive utriusque ad ipsa visibilia. Rectius docent recentiores
Optici visionem fieri specie visibili extrinsecus in oculū rece-
pta sive per intramissionem radiorum intra oculum; demon-
strant hoc plurimi quos inter **AMBROSIVS RHODIVS**
Opticorum I.7.propos.42. p.148. CASPAR SCHOTTVS
Cursus mathem. XIX.3. p.468.

§. 4. Demum notamus multos confundere refractio-
nem cum reflexione, cum tamen, si accuratè loqui velis sint
probe distinguendæ. Reflexio enim est radiorum in opacum
corpus appulsu facto repercussio. Refractio vero est radii di-
recti propagatio inflexa facta in communi superficie duorum
diaphanorum diversæ densitatis, definiente Ricciolo Sic
Refractio stellarum est cum radius visorius ex subtiliori aura
ætherea per crassiorem aerem ad visum nostrum transiens in
puncto incidentiæ quo superficiem aeris attingit, deorsum
frangitur & ad angulum rectilineum incurvatur. Differt ergo
refractio à Reflexione quod directam radii visorii propaga-
tionem impediat in refractione diversitas diaphani in refle-
xione verò opacitas. Plura diversitatis hujus fundamenta
suppeditat **RICCIOLVS & ATH. KIRCHERVS** artis ma-
gnæ lucis & umbræ VIII.1. p.652.

§. 5. Duas autem Philosophus affert rationes, quibus
hanc opinionem subvertere conatur, quarum altera scopum
ferit. Scilicet viam lacteam non esse reflexionem luminis
solaris demonstrat hoc modo: Quicquid est reflexio radio-
rum Solis, illud neutiquam semper in una eademque cæli
parte apparebit, sed potius situm suum mutabit ad motum
Solis tanquam sui principii. Jam vero observationes quoti-
dianæ nos edocent, Galaxiam non instituere suum motum
ad nutum Solis. Non ergo erit repercussio radiorum solari-
um. Altera, cum nitatur falsa hypothese, scopum non attin-
git, quicquid dicat **VICOMERCATUS**, supponit enim refle-
xionis

xionis non dari reflexionem, cum experimenta testentur, posse imaginem unius rei reflexam ab uno speculo reflecti ad alterum, imò ex illo ad tertium, quartū, licet in posterioribus imagines appareant debiliores & si specula nimium multiplicentur, propter debilitatem radiorum tandem evanescant.

CAPVT VIII.

Aristotelis Sententia.

§. 1.

ARISTOTELES loco sæpius laudato quam opinionem foverit unicuique inspicienti & perpendenti textum constare poterit, nisi nimio in Aristotelem amore exarserit. Singula ipsius verba adducere, chartæ angustia non concedit; proinde bona fide ipsius sententiam referemus. Docet ARISTOTELES in illa cœli parte, quæ tegit viam lacteam, esse stellas quamplurimas numero & magnitudine inter se diversas, quæ, cum lumine & motu suo attrahant ad se ex terra exhalationes, constituent viam lacteam, non aliter ac unum aliquod astrum causa sit cometæ. Hanc Philosophi mentem esse omnes fere consentiunt.

§. 2. Nonnulli contendunt, textum hîc esse corruptum: verum hos convincit Interpretum Græcorum pariter ac Latinorum plurimorum consensus & ipse PLUTARCHUS Αρειτοτέλης (ἔλεγεν) ἀναθυμιάσεως ξηρᾶς ἑξᾶψιν πολλῆς καὶ συνεχῆς καὶ ὅτι κόμην πυρὸς ὑπὸ τοῖς αἰθέρεσσι, κατευτέρῳ τῶν πλανητῶν. XYLANDER vertit: *incendium vaporis sicci multiq; & continui: itaque crinitum etiam ignem fieri infra ætherem sub planetis.* Nonnulli volunt, Philosophum non accuratè, sed tantum probabiliter de via lactea disputare. Probare id conantur ex textu, quando inquit: ἔυλογον γὰρ εἶπερ ἡ ἐνὸς ἀστροῦ κίνησις καὶ τοῖς πᾶσι ἀπαντῶν ποιεῖν ἢ τοιούτον καὶ ἐκκραιώλίζειν. Ad quæ verba sic OLYMPIODORUS: ὅρα πῶς καὶ αὐτὸς ὁ Αρειτοτέλης ἐνδοξάζει.

αἰ. οὐ γὰρ εἶπον ἀναγκάσθον, ἀλλὰ μᾶλλον εὐλογοῦν. Οὐ δοκεῖ γὰρ αὐτῷ ἀληθῆ εἶναι τὰ περὶ τῆς γαλαξίας νῦν λεγόμενα. Respondebunt alii hanc esse Aristotelis singularem modestiam.

§. 3. OLYMPIODORVS quatuor argumenta pro sententia Aristotelis adducit, ἐκ τῆς ἀναλλοιωτῆτος, ἐκ τῆς καθόλου, ἐκ τῆς σελήνης, ἐκ τῶν ὑπολοίπων ἀτέρων πλανητῶν; quibus tamen totidem ex mente Amaonii opponit. Singula recensere nunc non placet: responsionis loco adducemus egregia JOHANNIS PHILOPONI in rem presentem verba, quæ ita se habent: ἀτοπα πολλά τῷ λόγῳ τῆς Αἰσθητέλεος περὶ τῆς γαλαξίας καὶ ἀδυνατῆς συμβάνει καὶ ἀποκλήρωσιν ἔχοντα μόνην. Εἰ γὰρ ὡς ὁ κομήτης ἔστω καὶ γαλαξίας παρὰ τὴν τῆς ἀέρος, πῶς ὁ αὐτὸς ὅστις αἰεὶ καὶ αἰεὶ ὡσαύτως ἔχων, οὐτε καθόλου, οὐτε κατὰ τι τῶν αὐτῆς μερῶν ἀλλοιοτέρῳ ποτε γινόμενῳ, καὶ τὸ μῆκος, οὐτὸ πλάτος αὐξήσας, καὶ μειώσας, καὶ τὴν θέσιν, οὐτὸ σχῆμα μεταβάλλων, οὐχ ὅπῃ ἀναδεικνύεται γινόμενῳ ἀπλῶς; ἢ ἔμπανιν ἐν οἷς ἀπλῶς ἐστὶν &c. Legantur reliqua; petita autem sunt ipsius argumenta ex perpetuitate, magnitudine & figura.

§. 4. Nos, ne nimis latè divagemur brevitati operam dantes, rem in pauca conferimus. Sit ergo ex mente Philosophi, Via lactea nil nisi copia exhalationum sub certo cæli tractu congregatarum & constanti figura in sede sua subsistentium. Jam cum Aristotele ponamus materiam ignitorum in qua sive subiectum, cui inhærent & in quo generantur ὑπερκάυματα esse tres aeris regiones. Argumentamur itaque hunc in modum: Quicquid non habet parallaxin, illud est in cælo, Via lactea non habet parallaxin. E. Via lactea est in cælo. Majorem nemo temere negaverit, nisi quem natura parallaxeos latuerit. Parallaxis autem nihil aliud est quam differentia inter locum verum phænomeni cujusdam spectabilis ex centro terræ & locum visum ex superficie terræ. Verus autem locus (respectively ad cœlum) est punctum supremi cæli, ad quod terminatur recta linea ex centro terræ seu
huius

hujus universi per centrum sideris usque ad supremum cælum educta. Visus locus est punctum supremi cæli, sub quo centrum sideris esse videtur. Hinc recte concludunt Mathematici: Quo minorem parallaxin phænomenon quoddam sortitur, eò remotius distat à terra. Et: Quo majorem eò magis terræ appropinquat. Hinc & nostra major sua luce radiat. Minorem observationes adhibitæ comprobarunt & instituendæ demonstrabunt. Stat ergo Conclusio. Porro: Nulla exhalatio est in cælo. Via lactea est in cælo. E. Via lactea non est exhalatio. Major ab Aristotele comprobatur, quando statuit, aerem esse sedem exhalationum. Minor est Conclusio antecedentis argumenti. Quapropter Via lactea non erit copia exhalationum, quod erat demonstrandum.

§. 5. Quî mordicus Aristotelis placita retinent, nervum hujus argumenti persentiscentes quidvis potius comminiscuntur, quam ut concedant, Aristotelem à vero hîc deviasse. Scilicet actum esse cum Aristotelis autoritate, falso sibi persuadent, si quapiam in re Philosopho calculum denegent. Faciunt næ isti homines nimio in Philosophorum Principem amore, ut eundem plane extra sortem humanam rejiciant. Recte non minus quam eleganter scribit LACTANTIUS *instit. divin. VI. 24. p. 632. Nemo potest esse tam prudens, tam circumspectus, ut non aliquando labatur.* Lapsus est PLUTARCHVS magnæ autoritatis vir & quo nemo æqualium plura scivit, teste VICTORIO *variarum lectionum X. 3. pag. 231. CICERO* Oratorum Phoenix, teste eodem *XIII. 8. BVDAEVS* politissimæ doctrinæ acerrimique judicii vir. *X. 18. pag. 246. Ουδεις γὰρ πάντ' ἔστι πανόλβιος*

§. 6. CREMONINVS opusculo de via lactea, ut argumentum nostrum eludat, respondet, viam lacteam habituram esse parallaxin sive diversitatem aspectus, si candor ille sit aliquid fixum & natum, quod videatur, ut quod. Si autem sit apparentia ex refractione luminis & non sit lux in vapore ipso

firmiter hærens non facere diversitatem aspectus; sed semper videbitur quocunque ex loco cum eadem habitudine ad stellam & semper stellam coronabit tanta corona. Ita refert **CABEVS**: verum cum nobis **Cremonini** scriptum videre nondum contigerit, potius Cabeum adducimus, cui remanent difficultates ex aliis capitibus, quibus manifeste ostenditur falsa hac sententia etiam sic explicata, ut **CREMONINVS** eam explicat. Audiemus ipsum: *Ut omittam alias difficultates, quæ tamen nec parva sunt nec contemptibiles, ut: non posse esse æqualitatem apparentiæ ex variatione tempestatum & temporum; cur non sit aliquando latior, aliquando angustior, aliquando clarior, nonnunquam obscurior: non posse materiam perpetuam subministrari tantæ apparentiæ nisi cum universi ruina & sexcenta alia.* Prima difficultas est: quia non satisfaciunt ullo modo rationes, quæ afferuntur, cur potius sub illo cæli tractu durent perpetuo congregati vapores & nunquam sint sub alia cæli plaga. Secundo in illo cæli tractu in quo læcernitur non sunt stellæ semper ubique ita frequentes, ut ex frequentia & vicinitate illarum candidus ille tractus ubique fulgeat ex conjunctione & contactu coronarum. Nam quamvis sint frequentes alicubi, alibi non sunt ita vicinæ. Tertio principaliter dum dicitur, vapores cogi sub illis stellis non sub aliis & ideo sub illis solum apparere læc, hoc manifestæ equivocationis redarguitur, neque ex eo quod **CREMONINVS** excogitaverit fieri apparentiam lactis per refractionem evitare potest argumentum ex diversitate aspectus desumptum. Plura vide apud virum modum laudatum.

§. 7. **FORTVNIVS LICETVS** *Genuensis*, Patavinus & Bononiensis Philosophus celeberrimus libro *de Novis astris* II. c. 56. suppetias laturus Aristotelis doctrinæ fingit ab Aristotele duas esse cognitæ galaxias, unam cælestem, alteram elementarem. Illam consistam esse maximis & fulgidissimis stellis præterea & astris, quibus sporadum nomen inditum est.

Hanc

Hanc vero simillimam caelesti directè in elementari regione
 suppositam & è tenuissimorum halituum flamine contex-
 tam. Cui contradixit *LIBERTVS FROMONDVS* Philoso-
 phus Lovaniensis *meteorologicorum II. cap. V. art. 2. p. 100.* ubi
 ejusdem sententiam refutat. Quod cum videret *LICETVS*
 conscripsit librum ingenuarum exercitationum de lucidis in-
 sublimi, in cujus c. 4. p. 18. & seqq. satisfacere conatur argu-
 mentis Fromondi, sed ita satisfacit, ut nihilominus in ære
 Fromondi maneat. Pictas enim erga Aristotelem non con-
 cessit, ut ab Aristotele secederet. Verum quid aliud est finge-
 re duas galaxias quam statuere duas Zonas Torridas, unam
 quam statuit Aristoteles inhabitabilem, alteram quam ipsa
 experientia habitari contestatur?

CAPVT IX.

Vera Democriti sententia.

§. I.

DEMOCRITI sententiam *PLVTARCHVS* hanc tradit:
 viam lacteam scilicet esse, πολλῶν ἢ μικρῶν ἢ συνεχῶν ἀσ-
 τέρων συμφωτισομένων ἀλλήλοις συναυγασμὸν ἀπὸ τῆς πυκνώ-
 σης. *XYLANDER* vertit: splendoris collectionem & densa-
 tionem à multis usque parvis & continentibus stellis collu-
 centibus profecti. *MACROBIVS*: DEMOCRITVS in-
 numeras stellas brevesque omnes, quæ spisso tractu in unum
 coactæ spatiis, quæ angustissima interjacent, opertis vicinæ si-
 bi undique & ideo passim diffusæ lucis aspergine continuum
 juncti luminis corpus ostendunt. *MANILIVS* versibus se-
 quentibus ita expressit hanc sententiam:

*An major densa stellarum turba corona
 Contextit flammæ & crasso lumine candelæ
 Et fulgore nitet collato clarior orbis?*

ARISTOTELES v. eorum qui **Democritum** & **Anaxagoram** secuti sunt, sententiam his proponit verbis: *Φῶς εἶναι τὸ γάλα ἀστρον* *Ἰνῶν τὸν γὰρ ἥλιον ὑπὸ τὴν γῆν φερόμενον ὃν ὁρᾶν ἐνία ἀστρον*. *Ὅσα μὲν ὁρᾶται ὑπ' αὐτοῦ, τῶν μὲν ὃ φαίνεται τὸ φῶς καλύπτει γὰρ ὑπὸ τῶν τοῦ ἡλίου ἀκτίνων, ὅσοις δ' ἀντιφράττει ἡ γῆ, ὥστε μὴ ὁρᾶται ὑπὸ τοῦ ἡλίου, τὰ τοιούτων οἰκῶν φῶς φασὶν εἶναι τὸ γάλα.* Quæ quidem ut à Philosopho recitatur, recte rejicitur.

§. 2. Huic sententiæ Democriti, plerique Mathematici subscribunt & uno ore docent: Viam lacteam esse congeriem infinitarum stellarum parvarum, quæ distinctè ob ingentem distantiam ad oculum nostrum pervenire non possunt. Probatur hoc ipsum sensu; hinc **GALILEVS** in *Nuncio sidereo*: *in quacunque regionem (viæ lacteæ) Perspicillum (Telescopium sive tubum opticum) dirigas, statim stellarum ingens frequentia sese in conspectum profert, quarum complures satis magnæ ac valde conspicuæ videntur sed exiguarum multitudo prorsus inexplorabilis est.* Hæ ergo cum singulæ non distinguantur omnes simul lumen confundentes albedinem illam ostendunt, sive ut *Cardani* verbis utar: *ex frequentibus sideribus lumen miscentibus lacteus circulus ab oculo aestimatur.*

§. 3. Arbitramur itaque tubi beneficio litem de materia Viæ lacteæ diremtam, ut non indigeat accuratiori disputatione. Experimento tantum uno atque aliquo terrestri ex Cæci eruditis commentariis illustrabimus. Sumantur duæ magnæ tabulæ vel solidiores chartæ nigro inductæ colore: in altera earum pingantur multæ, magnæ & inter se distantes albæ maculæ, in altera etiam pingantur ejusdem albedinis maculæ, sed parvæ & vicinæ. Dein ponatur utraque tabula in magna æquali tamen distantia præcul ab oculo. Illa tabula, quæ gaudet magnis & inter se distantibus maculis, illas maculas præcul ostentabit: in ea verò, cui parvæ insunt maculæ & parum distantes non distingues fortasse singulas maculas à ni-

gro campo in illa distantia, sed totum objectum tibi videbitur unius coloris, nec totum album, nec totum nigrum, sed totum cinericeum judicabis, aut pallidum plus aut minus, prout maculae frequentiores & candidiores fuerint. Ex eo enim, quod oculus in illa distantia non possit distinguere album à nigro nec poterit maculas numerare, utriusque tamen objecti radii confundentur & fiet species mixti & prout plures erunt partes albæ quam nigræ objectum visum verget magis ad album vel nigrum.

§. 4. Idem continget si cribrum album vel chartam perforatam suspendas ante parietem nigrum vel tabulam nigram vel si perforatam nocte igni prætendas; foramina enim in magna distantia non distingues, sed totum aut minus candidum aut minus luminosum apparebit. Idem prorsus accidit in Via lactea, dum enim stellæ magnæ sunt & rariores distinguuntur à partibus cæli non lucentibus; parvæ autem stellæ & valde vicinæ non distinguuntur in eadem distantia: sed tertium quoddam resultat objectum ex illis partibus lucentibus & non lucentibus & fit species quædam rei minus luminosa & candida, ut est lactis species.

§. 5. Quibus denique corollarii loco addimus tres observationes de Via lactea, animadversione dignas. Prima esto, quod omnes stellæ novæ, quæ hoc nostro & superiori seculo in cælo apparuerunt, in Via lactea comparuerint. Anno 1572 mense penultimo Novembri apparuit Nova stella juxta Galaxiæ confinia, ubi Colurum Æquinoctiorum transit inter Cassiopeæ sydera usque in principium Veris Anni 1574, quando mense Martio conspici desiit. Videatur *TYCHO BRAHE lib. 1. de stella Nova Anno 1572. cap. 1. p. 300. 313. & p. 553.* Deinde Anno 1600 Nova stella tertiæ magnitudinis prodiit in pectore Cygni duravitque usque ad Annum 1621 si *CASPARI SCHOTT* credimus *Curs. math. VII. part. 3. c. 2. p. 248. Et isago-ge Astron. in Itinerarium Kircheri §. 3. p. 46.* Sin vero *Joh. Bapt. Ric-*

Ricciolo hodieque fulget in confinio colli & pectoris Cygni. Postremo Anno 1604 die 9 Octob. affulsit primum in Serpentario flammivomum illud sidus, quod Iridis colores imitabatur, mire rutilans, magnitudine apparente adæquans Venerem in genu sinistro Ophiuchi & in limbo Galaxiæ, persistitque usque ad Annum 1606 & ejusdem Februarii initium, quo extinctum est. Perinde ac si Galaxia (sunt verba *Riccioli*) promtuarium esset, unde lucida hæc portenta DEUS in inferiora hujus mundi, cum voluerit, destinat. *CYPRIANVS LEOVITIVS* tract. de S. N. 1572 refert, se apud Historicum reperisse tempore Ottonis Primi Imperatoris Romani similem stellam in eodem fere loco conspectam. Addit quoque Anno 1264 stellam magnam & lucidam in septentrionali cælo parte ubi & hæc nostra circa ipsum Cassiopeiæ sidus apparuisse. *TYCHO. l. 1. pag. 331.*

§. 5. Secunda esto Tychonis, qui observatione quadam persuasus putat materiam stellæ novæ Anno 1572 è Via lactea profluxisse. Verba ejus hæc sunt: *Quamvis in tota celestis mundi vastitate materia pro conformatione alicujus stelle ascitia meo iudicio abunde suppetat, tamen nusquam copiosius & plenius quam juxta viam lacteam; quam substantiam quandam celestem à materia reliquarum stellarum non discrepantem, sed diffusam certis que locis expansam non in unum corpus discretim, prout in stellis fit, conglobatam esse statuo: hincque factum iudico, quod Nova hæc in ipso Galaxiæ margine constitèrit, idque non obscure insinuabat, eam ex eadem qua Galaxia ipsa prædita est, substantia conformatam fuisse. Quin & adhuc hiatus quidam in eo ipso Galaxiæ loco cernitur, ubi stella hæc suas sedes obtinuit: idque ad quantitatem quasi semiplena Luna, prout hibernis noctibus apprime præ serenitate defacata & frigore boreali, Aeris vapores attenuante, scintillantibus & oculis sese clare ingredientibus reliquis omnibus stellis, unaque tunc evidentius quam alias apparente Via lactea satis discrete animadvertere contueri-*
que

que nisi visus acumine destituatur curvis licebit. Calculum suum sententiæ Tychonis addit CHRISTIANVS SEVERINVS LONGOMONTANVS, quando in *Appendice Astronomiæ Danicæ de novis cæli phenomenon cap. 5. p. 8.* ita scribit: *Quocirca inter omnes convenienter mihi ratiocinari videntur, qui hunc circulum noctu in cælo apparentem, materiam novis Phenomenis largiri arbitrantur.* Et pag. 11: *Quod igitur vir ille tantus inter Astronomos de materia novorum phenomenon olim censuit, idem quoque ego nunc rationibus adductis censeo, nempe cælestem illam esse & præcipue in via lactea preparatam.* Hanc opinionem Tychonis JOH. BAPTISTA RICCIOLVS *Almag: Nov. VIII. sect. 2. cap. 17. p. 176.* licet immobilitati Novæ stellæ congruentem judicet, negat tamen illam reddere rationem probabilem, cur in tanta vastitate Viæ Lactææ tam prope dispositæ ad nova sidera formanda tam raro novæ stellæ in cælo fiant.

§. 7. Tertiam, quæ erit de parte illa Viæ Lactææ circa polum Australem, proponemus verbis Riccioli: p. 476. *Illæ (pars australis Viæ Lactææ) mirifice splendescit & alicubi rutilat maculis ferrugineis deficientis Lunæ rubori similibus, constat stellulis plurimis subrusi coloris & Martem lumine imitantibus.* Hæc narrat, si Ricciolo credimus testis oculatus JOSEPHVS ACOSTA de Novo Orbe lib. 1. cap. 2. Versio vero Germanica laudati libri pag. 3. ita habet: *Wir mögen auch zu der Reden unsere Augen mit zu zeugen sehen/ nach dem wir sehen/ daß nicht allein daß Gestirn sehenlich herum gedrehet wird/ sondern sehen auch das ganze Theil des Himmels und nicht nur die so klar und glänzend sind/ welcherley ist die Via Lactea, sondern auch etliche andere/ so finster und schwarz sind/ umblauffen. Am Himmel (non dicit in Via lactea) sind gahr merckliche Flecken/ bin nicht eingedenck/ daß ich die irgend gesehen/ da ich in Europa war: dieselben bilden ab die Schwarze des Monden/ wen er leidet.* Quæ hic Josephus Acosta refert de maculis cœli, Ricciolus

radicat de Via Lactea: aut hic versio fallit aut Ricciolus.
Quæ enim foret illa collectio? Sunt in cœlo maculæ nota-
biles. E. ex erunt in Via Lactea? Hic homo gestat cultrum
E. culter ipsi est in manu dextra. Non ita.

§. 8. Quæri posset: quorsum ea stellarum congeries in
orbem diffusa? Nostrum non est Conditoris stellas pro suo
arbitrio disponentis beneplacitum perscrutari: forsan quem-
piam iuvat audire infomnia prosequentem. Diceret forte ex
mente Gassendi Democritus (aut quisquis alius perinde ac ille qui
innumerabiles tueretur mundos communicantes inter se) esse
hanc rerum infinitatem quasi quandam sylvam arboribus sic con-
tactam, ut ea heinc inde seu quasi ad dextram levamque longissi-
mo tractu & quadam quasi fascia densissima sint; antrorsum au-
tem retrorsumque ac ipsam extra fasciam rariores. Nempe ut
qui esset in media quasi fascia, conspiceret ante & pone per paten-
tes campos raras arbores, dextrorsum autem levorsumque fre-
quentissimas contueretur. Ita si in rerum immensitateingas
quandam veluti fasciam mundorum seu potius stellarum, non so-
lum ad dextram levamque verum etiam sursum deorsumque ja-
tere; ac nos cum nostro Sole (habito quasi una ex illis) intra hinc
quasi fasciam comprehendis; concipies quamobrem innumeras stel-
las circumfusas sursum, deorsumque & ad latera, hoc est in orbem
circulumve, qui sit Lacteus, habeamus; cum & in quacunque
alia intra ipsam stellam degeremus, par foret species apparitura
(& nostro quidem Sole quasi una inter ceteras viso) ac propio-
ribus semper stellis, ut majusculis sic citra telescopium visis; reli-
quisque ut remotioribus & minutulis sic sine telescopio inconspi-
cuis. Concipies quoque cur extra hunc tractum sive hanc quasi
fasciam ac veluti ante & pone rariores stellas conspiciamus, per
immensitatem quasi patientiorem liberiolemque quasi respersas;
cum & possint alias per ipsam consimiles isti fasciæ tractusve oc-
currere; ac se interim heic illeic conspicuo exhibeant aliqui stel-
larum quasi glomeres (ut in mediis sylvis campis arbores solent)
qui

qui nebuloſa ſtella ſint & candicent porriſſimum ſerena ac ſtanni
nocte. Sed quorſum curioſæ nugæ?

§. 9. Tandem ſi quæras ex qua materia condita ſit Via La-
ctea, reſpondeo, ſi ſtatuas ex luce primæva, ex qua reliquæ
ſtellæ ſunt factæ, optime omnino te ſentire non negabo. Fu-
it enim illa juxta communem Patrum & Doctorem ſenten-
tiam lux corporea. Nunc bono cum Deo finem impono
huic diſcurſui: plura ſi Deus voluerit ſuo tempore de hac Via
eruditæ examinanda propinabo; interea meliora ab aliis ex-
pectans ſubjungo elegantis Poëtæ JOHANNIS IOVIANI
PONTANI de Via lactea eruditum carmen, ſubjungendum
Capitis quinti paragrapho ultimo:

NAte etiam ſi quando oculos ad ſidera tollens,
Albentem cœli tractum mirabere forſan,
Addubites quæ cauſa viam ſignaverit, an ſit
Halitus idem autor, longo quem tramite ductum
Stellarum denſus circum ſe complicat ordo.
Quippe vagus Solem fugiens, torrentiaq; aſtra
In lævum, dextrumq; latus declinat, & ipſa
Raptatus circum cœli vertigine candet
Sideribus late ſparſus, pallentiaq; ora
Stellarum, atq; amnes lactis ſub imagine præfert.
Namq; acies obtuſa, & non penetrabile lumen,
Et ſeries numeroſa, minutaq; corpora parvis
In ſpatiis verſata, procul candere videntur,
Dum nequeunt radios jaculari, & ſtringere flammam,
Candet, & à multæ caligine conſitus aer

Hinc illinc agitata, & lactea constat imago.
Nec tibi non fera sunt sævorum nota gigantum
Prælia, non phlegræa phalanx, superûmq; labores,
Intentansq; deûm excidium Briareius ensis.
Ergo illi simul ingenteis involvere monteis,
A Borea q; Austro q; ingens simul ardor utrinq;
Utrinq; & metus ingens, exitiumq; paratum.
Terra novum auxilium natis tulit, excitat antris
Nigranteisq; globos fumorum, & sidera foedat
Pulveribus, tetra offundens caligine divûm
Attonitas acies, atq; arma micantia frustra.
Cedebat rerum genitor, cedebat & ipse
Bellipotens Mavors, frustra Latonia tendit
Diætæos arcus: nigrantem ex axe Booten
Excussat caligo, haurit globus Oriona
Pulvereus, cæcum capulo dum sustulit ensem.
Ecce autem flammis, & luce coruscus Eoa
Phœbus adest, Phœbum sensit nox; illicet ipse
Restituitq; aciem, & dextra lævaq; coegit
Cedere fumificum discusso pulvere nimbum.
Ergo ubi laurigeris victoria constitit alis,
Et cœlo pax nota redit, monimenta quòd essent
Antiquæ pugnæ, volucres subsidere fumos
Et statuit pater, & solio sic jussit ab alto.
Atq; hinc pulvereus manet inter sidera limes,
Qua victor pepulit flammato turbine Phœbus.
Nec vero naturæ omnis vis cognita, quando
Multa latent; tamen & causas scrutamur, & unde
Proveniant. Candorq; viæ limesq; per astra

Fusus in incerto est. Nebulas insidere Cancrī
An ne eadem caligo, quoq; causa notarit,
Hoc quoq; in incerto est. Nam plura subesse videntur,
Quæ certent ratione eadem, aut adversa repungnent,
Lactea cur niveo canescat semita tractu,
Cur nebulosa cavo pallefcent sidera vultu.

Emendanda

Proœm. §. 1. lege dissimulem. Cap. I. § 6. l. 9. Erichthonium. l. 17.
polos. Cap. V. §. 4. lin. 3. judicent. Cap. VIII. §. 6. sub fin. modo.

TANTVM HAC VICE.



